

之苦國司利厚自有衣食之饒因茲庶僚咸望外任多士曾無廉耻朕君臨區寓志在平分思欲割諸國之公廩加在京之俸祿卿等宜詳議奏聞者臣聞三代弛張百王沿革隨時損益事在利人伏惟陛下仁霑品物德茂群生愍庶僚之飢寒均內外之豐儉損彼有餘補此不足凡在動植莫不霑潤臣等承奉聖旨喜○喜原作嘉據類聚國史改百恒情臣等商量每國割取公廩四分之一以益在京俸祿奏可

〔續日本紀三十五光仁〕寶龜十年十一月乙酉太政官奏稱謹檢去寶龜六年八月十九日格云京官祿薄不

免飢寒苦國司利厚自有衣食之饒宜割諸國之公廩以加在京之俸祿者立格以來年月稍積需澤之

恩虛流優賞之歡未洽何者諸國正稅略多欠負或僅舉論定○論定下類聚國史有或全二字無公廩而暗據出舉或

恐○或令割四分之一今計一年送納之物作差處分每人所得仟錢已下佰錢已上然則諸國煩於交替

厚秩負於多士徒增勞擾不穩於行臣等望請停此新格行彼舊例奏可之

〔享祿本類聚三代格六〕詔官多則政贖人少則事稽故省併量宜委宰期要昔諸司百寮有閑有劇是以

資俸賞賜或厚或薄今官既從改賞何依舊宜要劇馬料時服公廩悉革前例普給衆司詳爲條例

大同三年九月廿日○又見日本後紀

外官公廩

〔延曆交替式〕太政官宣比年諸國司等交替之日各貪公廩競起爭論自失上下之序既虧清廉之風於理商量不可如此今故立式條目如左

凡國司處分公廩式者總計當年所出公廩先填官物之欠負未納次割國內之儲物後以見殘作差處分其差法者長官六分次官四分判官三分主典二分史生一分其國博士醫師准史生例員外官者各准當色

天平寶字元年十一月十一日

〔延喜交替式〕凡國司處分公廩者總計當年所出公廩先填官物之欠負未納割國內之儲物後以見殘

作差處分其差法者長官六分和泉伊賀伊豆安房飛驒若狹佐渡淡路隱岐大隅薩摩壹岐等國島五分志摩國四分次官四分判官三分主典二